



Dana: 23.06.2022. godine

Broj: 28-05-/22

Savez samostalnih sindikata BiH
N/r predsjednik Selvedin Šatorović

PREDMET: Zaključak Kantonalnog odbora Sindikata metalaca Zeničko-dobojskog kantona, dostavlja se

Poštovani,

Dana 23.06.2022. godine u Zenici je održana 36. sjednica Kantonalnog odbora Sindikata metalaca Zeničko-dobojskog kantona. Sjednici je na poziv kantonalne organizacije sindikata metalaca prisustvovao i predsjednik Saveza samostalnih sindikata BiH Selvedin Šatorović.

Nakon uvodnog izlaganja predsjednika Šatorovića u vezi aktuelne situacije i položaja radnika i donošenja Zakona o minimalnoj plati, te diskusije u kojoj su učestvovali svi članovi Kantonalnog odbora, usvojen je **ZAKLJUČAK** kojim se Savezu samostalnih sindikata BiH **predlaže** donošenje odluke o organizaciji protesta SSS BiH (ukoliko takvu odluku podrže i ako će se u realizaciji iste maksimalno angažovati svi ostali granski sindikati koji participiraju u radu SSS BiH), sa tri osnovna zahtjeva zakonodavnoj i izvršnoj vlasti Federacije i države:

- suspendovanje akciza na gorivo,
- ukidanje ili smanjenje PDV na osnovne životne namirnice,
- donošenje Zakona o minimalnoj plati od 1000 KM.

Obzirom da se prva dva zahtjeva odnose na državni nivo, predlažemo da se sagleda mogućnost zajedničke aktivnosti na nivou Konfederacije sindikata BiH, odnosno sa Savezom sindikata Republike Srbije.

Povećanje minimalne ali i svih drugih plata je više nego nužno i opravdano, imajući u vidu drastičan rast svih troškova života, hrane preko 33%, prevoza preko 30%, energije i stanovanja skoro 20% u odnosu na prošlu godinu. S druge strane, ako posmatramo realni sektor, u 2021. godini je više od 16 hiljada poslodavaca u FBiH poslovalo sa profitom, ostvarena je ukupna neto dobit od preko 4 milijarde maraka. Top 20 poslodavaca je u prošloj godini ostvarilo prihod od preko 11 milijardi maraka, a dobit veću od milijarde. Sve ovo su zaradili radnici, a najniža plata stoji na 543 KM, prosjek u realnom sektoru je oko 750 KM, a i federalni prosjek je sad daleko manji od pola potrošačke korpe za četveročlanu porodicu.

U prilog osnovanosti zahtjeva za suspenziju akciza i PDV, pored potrebe smanjenja cijena hrane i goriva, govori i činjenica da je u prvih pet mjeseci 2022. godine po osnovu indirektnih poreza ubrano 739 miliona KM više u odnosu na 2021. godinu. Sve ostale države u okruženju i Evropi uveliko donose konkretne mjere, subvencioniraju građane i potrošnju, dijele direktne novčane pomoći iz budžeta, smanjuju poreze, povećavaju minimalne plate, uvode besplatan prevoz, subvencioniraju struju, ograničavaju cijene, i na druge načine pomažu građane. Međutim, u našoj zemlji je svakom od 816 000 radnika i 699 000 penzionera, samo po osnovu indirektnih poreza od početka ove godine uzeto više od 490 KM u odnosu na prošlu godinu, a razlog su veće cijene.

Aktuelna situacija zahtijeva hitnu i konkretnu reakciju vlasti, prije svega na državnom i federalnom nivou, u skladu sa gore navedenim zahtjevima. Naša je obaveza da odgovorne pozovemo i javno prozovemo, jer oni koji zarađuju više hiljada maraka i vozažu službeno auto nemaju iste brige kao obični građani. Glavni prioritet vlasti mora biti briga i djelovanje u interesu svih radnika i građana, a ne predizborna kampanja.

Kantonalna organizacija Sindikata metalaca Zeničko-dobojskog kantona, koju čini sedam sindikalnih organizacija u firmama koje nose metalški i realni sektor Zeničko-dobojskog kantona, ali i Federacije (ArcelorMittal Zenica, Mann Hummel Tešanj, Prevent FAD Jelah, Pobjeda Tešanj, Preis Usora, Excel Maglaj, Željezara Zenica), učestovaće i dati maksimalnu podršku, kao i dosad, u svim aktivnostima Saveza samostalnih sindikata BiH na zaštiti i poboljšanju materijalnog položaja radnika i građana.


Zajedno smo jači!

Dostavljeno:

1x naslov

1x a/a

Sindikat metalaca FBiH
Kantonalno povjereništvo ZDK



Kenan Mujkanović, predsjednik

